

食貨典第二百十卷

鹽法部彙考十二

明四

穆宗隆慶元年議准長蘆運司俸給及歲增鹽引陝西池鹽配納及井鹽價銀禁官吏商竈鹽徒夾帶影射私煎貨賣等弊又御史蘇朝宗劉翬李叔和及戶部條奏諸鹽政俱從之 按明會典隆慶元年議准長蘆運司并二十四場官吏本色俸給共銀六百餘兩於各場應納灘價并鹽商腳價銀內支用河間府免行編派 又令長蘆運司歲增五萬引每引納銀二錢五分聽商自行收買 陝西鹽隆慶元年題准將大小二池納價餘鹽等銀五錢二分以四錢作引價一錢二分作臥引商人上納淮浙鹽一千引准配池鹽一百引小池鹽於西路發賣者仍照舊例納斗底銀一錢五分解固原州聽軍門犒賞其餘引價解慶陽府聽延寧二鎮客兵支用 又議准西和縣原開鹽井一眼漳縣舊開鹽井四眼又有新井各商獲利爭報令每百斤納銀二錢九分 又按會典元年題准官吏食鹽各衙門自行差人公給腳價赴場關支卽委運司首領官催攢起發至小直沽批驗所另委府

官會同秤掣如有夾帶與商人一體割沒問罪至二千斤以上者照例發遣議准御馬尚膳二監取
啖馬涼鹽及魚蛤等鹽令該管人役於見賣商鹽買用不許下場易買敢有仍前指稱者聽所在官
司拏究勢衆者鄰近州縣約會擒捕其各處進貢進鮮糧運并沿河射利之家窩藏夾帶者許各巡
捕官兵設法搜邏依律重治事干權豪聽巡鹽御史叅究 又題准商人有囤積引目影射者清查

盡數入官犯人從重究治中納商人領引方許親自下場當官驗引照數買鹽如無見鹽官立文書
銀交電戶依時算值嚴限交完即將引目截角不許多買沒官引目即行燒燬不許告買以滋多弊
其姦商通同催秤以貨物舉放貧電私債准折虧害者嚴行禁革場官通同總催科索常例擾害電
戶者即時拏究問黜 又議准福山狼山二港爲鹽徒往來門戶責成總兵官督令把總等官用心

防禦有任其縱橫出沒者一併叅究 又議准行北隸隸山東河南各州縣地方嚴禁私煎貨賣如
地本鹹鹵不生五穀責令依額納鹽發官商領買給與印信小票令其肩挑背負貨賣不許攬越別
境 又題准御馬監歲用啖馬涼鹽移文本監知會毋得差人下場收買夾帶長蘆運司查照來文

內鹽引每年先期處辦候差人支領 又按會典元年題准清查電丁影射行督撫及行各鎮軍衛

衙門以後選充軍人務要互相保結果係空閒民丁方許投充若係竈戶卽行追回所給軍裝押還該場問罪若朦朧保結者一體連坐運司官員亦要設法招徠加意安撫使其守土樂業 按續

文獻通考元年三月巡按直隸御史蘇朝宗條奏鹽法六事一蠲工本以蘇商困言鹽課自都御史王紳建議扣留餘鹽八萬二千兩每引官給竈戶銀二錢收買餘鹽謂之工本後以引鹽積滯旋議停罷而銀兩亦無見貯議於正鹽外每引附帶餘鹽二十斤淮南八單淮北四單共徵銀八萬二千兩有奇以抵工本之數而鹽課愈重商本愈虧今宜少從寬恤將附帶鹽斤秋季以後卽爲停止每引照舊以五百十斤稱掣則額課減而商困少蘇一明分地以正鹽法直隸淮安廬鳳河南南陽汝寧陳州係淮北行鹽地方載在銅板與鹽法志近南陽十二州縣爲河東所侵迄今未復今淮北頻年水災商人告困無利可趨勢必他徙淮北淮南兩受其敝宜勅該部查照舊界將南陽所屬地方悉行准鹽以充國額一定科差以恤貧竈言竈丁糧差如嘉靖二十年黃冊恤竈之法甚備近來有司務爲苛刻混加僉派動行勾攝諸徭雜出迫之逃亡鹽課積負率由於此宜勅撫按行淮揚二府將竈戶稅糧存留本處上納一切徭役悉與蠲除非有重犯毋得勾擾一通零引以均貧戶竈丁貧

富不一今九則編派之法自四引起至二十引止皆以耦起數甚於貧竈不便宜兼用奇耦之數下
下丁以三引四引起下中丁以五引六引起算至於上三丁則更加一算如十五引至二十三引而
止辦事產之厚薄分丁力之壯弱斟酌損益務使竈丁各得其平一掣河鹽以疏邊商言國初邊商
親自支鹽至儀淮二所掣賣其後困於餘鹽將河鹽推置淮揚存積漸多不暇守候乃分撥引目鬻
之居民故內商坐致富饒而邊商奔走益困宜照嘉靖四十年事例准鹽河鹽相兼稱掣則鹽法疏
通而邊儲給足一革濫費以肅官箴言兩淮運使設有店戶居停官商各場有工脚充擡鹽看倉之
役近來店戶計引徵銀歲以萬計及隸卒既以類編而別取工食皆有奸私宜一切禁革戶部上其
議上允行之 四月戶部覆巡按御史劉翹條奏鹽政四事一調停商竈鹽言竈丁積負鹽課奏詔
蠲免商人先已報中無從支給宜將鹽課如舊追徵其竈丁貧乏者別議優恤一議處食鹽言在京
官吏食鹽皆責場竈起解有裝載包賠之苦宜令各衙門公處腳價自行關支一清查竈丁言近者
竈戶貧苦往往竄名軍伍中丁口日損額辦日耗宜行督撫將召募軍丁嚴行查勘如係竈丁不得
收伍其各運司官亦宜加意撫綏毋因以徭役一嚴禁私販言權貴射利者以內監等衙門爲名販

載私鹽絡繹道路沿河勢要之家窩藏寄頓者尤衆公行販賣莫敢誰何宜行尙騰御馬二監今後
啖馬涼鹽魚蛤等鹽止許易買商鹽不得入場販載一切指稱者聽所司擒治其豪右窩藏及皇船
夾帶者官兵設法搜捕重則巡鹽御史劾奏以聞從之 九月戶部奏預開隆慶二年各邊中鹽一
百四十五萬六千八百六十八引內派甘肅淮鹽十二萬七引浙鹽十五萬引得銀十萬二千一百
五十兩延綏淮鹽十二萬七百十二引浙鹽十萬五千七百七十引得銀九萬七千三百七十五兩
五錢寧夏淮鹽八萬四千九百八十引浙鹽十二萬引得銀七萬七千九百九十兩宣府淮鹽十四
萬三千四百八十八引又改撥二萬三千二百九十六引長蘆鹽九萬七百七十五引得銀八萬九
千八百九十九兩大同淮鹽七萬三千三百七十九引又添派五千引長蘆鹽四萬五千引得銀四
萬三千一百八十九兩五錢遼東淮鹽六萬一千八百十二引山東鹽六萬二千五百引得銀四萬
二百八十一兩固原淮鹽二萬七千八百七十八引浙鹽一萬引得銀一萬七千四百三十九兩山
西淮鹽五萬六千七百八十一引浙鹽四萬八千九百九十九引山東鹽六萬三千六百二十引得
銀五萬五千八十二兩薊鎮淮鹽九千一百四十九引長蘆鹽四萬五千三十三引得銀一萬三千

五百八十一兩其各邊引價淮率五錢浙率三錢五分而惟甘肅各減五分長蘆率二錢山東率二錢五分制曰可 十月御史李叔和言遼東中鹽弊叢姦積公私俱病蓋吏胥官攢因緣爲姦則費多商苦不得不寬斗頭招徠之斗頭既寬上納數少是在官之弊宜革也鹽商暗賄營私避遠就近以致插和虛出賣窩奸計百出莫可究詰是在商之弊宜革也若鎮西諸堡則久廢未派鎮武諸堡則收納無倉黑莊窠諸堡則應議添設請令管糧部臣斟酌計處戶部覆奏從之

隆慶二年題准兩淮鹽價著爲三等兩浙額課改行小鹽山東折布給票納銀四川電丁多開小井立各處關領引目限期免商人割沒鹽斤重罰差都御史經理屯鹽將南京庫貯食鹽鈔銀買絲織造又御史趙睿馬文煒龐尙鵬科臣何起鳴及戶部條奏諸鹽政俱從之 按明會典兩淮鹽隆慶二年議准河鹽引價著爲三等分撥見引淮南定銀九錢淮北定銀八錢分撥起紙關引淮南八錢淮北七錢分撥到司勘合淮南七錢淮北六錢若邊商齎執倉鈔勘合到運司責令內商照依原定價則收買以便卽日回還不得稽勒留難仍將內商的名報出造冊在官如遇支鹽到橋頂壩行令白塔河安東壩各巡檢驗放鹽船如該掣鹽一百引方許造單如無新引不許過橋入單著爲定例

兩浙鹽隆慶二年題准額課改行小鹽以隆慶三年爲始每引定以正鹽二百斤外加包索三十斤帶餘鹽七十斤共三百斤爲定例每引餘鹽七十斤納銀一錢四分五釐比舊每引少銀一錢五分五釐將內商派引執照紙張中津橋票稅與各近便場戶買補折色引鹽等項銀兩加增抵補仍查照戶部近議存積三分改中本司每引加銀二錢上下以抵補前課之額 山東鹽隆慶二年題准官臺等十一場折布鹽課給票納銀事例詳查竈戶貧富分別上中下三等除額辦正課外每年上丁納票銀二錢中丁一錢下丁五分其票戶各執三張以便行鹽地方發賣 四川鹽隆慶二年題准許竈丁多開小井以補塌井逃丁之數不必加增其保寧重慶嘉潼等處寫達商人赴提舉司告給小票不便亦令增加引票酌定張數分發五府州縣就近告給 凡開中隆慶二年題准南京工部各查照鑄造銅版完日送南京戶科收貯刷印引目通行各該鹽運司提舉司分爲四起限期兩淮限三月中兩浙限四月中長蘆限五月中河東福建廣東陝西四川雲南各爲一起限八月終各依期差人赴南京戶部關領引目 又按會典二年議准商人割沒鹽斤免其重罰積算至五百五十斤令照近日擬定引價納銀及餘鹽關引起紙賑濟挑河等銀就將運司收買官引給與一道

以便照鹽發賣若有分外多綱大包者每斤罰銀三分所收銀兩與同餘鹽銀一併解部 又差都

御史三員經理各處屯鹽 又題准南京戶部將庫貯官吏食鹽鈔銀易買絲料解部送神帛堂織

造 按續文獻通考二年五月御史趙睿奏河東運司積欠消折鹽一百三十餘萬引撈補無期

乞將虛數蠲豁戶部覆請如議宜行巡運有司此後當乘時撈採如法苦蓋仍將採辦實數按時計

月呈報巡鹽憲臣以憑稽查視勤惰遲速爲賢否殿最得旨該司官吏巡鹽御史逮問查奏撈辦苦

蓋稽查事宜俱令從實舉行 七月御史馬文煒奏兩淮餘鹽銀近多移借不便稽查請如舊規每

歲定掣淮南八單淮北四單徵完則按季解部毋得多寡越數先後愆期庶出納明而弊端革報可

禮科何起鳴條上四川茶鹽二事謂川中鹽場舊定上中下三則納課邇來井竭戶逃舊者有販

納之累新者有增課之擾宜酌出產厚薄以定課額招集竈丁廣開小井以補舊數而保寧重慶嘉

定潼川夔州等商不利跋涉宜量增引票使之就近告給仍嚴立禁防使姦商不得影射官吏不得

誅求得旨允行 戶部覆御史孫以仁奏近都御史鄢懋卿議增餘鹽銀百萬餘兩追徵嚴急搜括

無遺至借河工賑濟諸銀充數出納紛紛不便稽考自今請以一年課銀定作一年起解不得借那

其用存貯庫者仍行所司歲一報數不必待查盤之期又兩淮鹽利等三十鹽場地廣人稠宜悉籍鄉兵團結訓練以備非常所得私鹽卽以賞之報可 山西巡鹽趙睿條陳鹽政三事一積實政河東鹽有數種盛夏生者謂之伏鹽秋深撈採者謂之秋鹽及官吏爲姦雜以硝鹼泥沙謂之黑鹽而商本日虧國課日耗宜委分司官巡視監收取濟實用不得虛增課額一申明職掌本司鹽課當分解宣大代州以給軍餉而該部近以抵補宗祿宜遵照帶補之議查各府祿米欠數通融分給一通鹽利本司課少利微近因爭論行鹽地方商人稍稍解散宜定議南陽十二州縣仍行解鹽陝西延鳳所屬法禁久弛退引多繳者比照浙直會選富民爲接鹽鋪戶聽其承買轉販所至地方官吏仍查覆引目勿容他鹽入境則分地定而鹽利通戶部覆奏從之 九月總理屯鹽都御史龐尙鵬請令江西建昌臨江撫州袁州行淮鹽南召內鄉新野淅川裕州葉縣專行解鹽著爲令從之初上用撫臣龐尙鵬議將河東行鹽地方南陽鎮平唐鄧泌陽桐柏六縣改行淮鹽南京戶科張應治河東巡鹽邵永春言南陽汝寧二府據銅板則兼行淮鹽據會典則專行解鹽往年鄒懋卿建言將汝寧舞陽分屬淮北非兼行初意乃又中分南陽是續淮南之一指而斷解商之肩背失平甚矣夫利不

百者不變法今法一變而解商告急者相屬於道鹽引日壅額課日損豈國之利乎尙鵬議不便上然之令南陽所屬州縣仍隸河東行鹽以後不得紛更

隆慶四年題准兩淮山東河東陝西廣東諸鹽法又部覆撫臣龐尙鵬劉應節御史李學詩蘇士潤部永春郭廷梧諸奏俱報可 按明會典四年令兩淮鹽法盡復大鹽舊例 山東鹽隆慶四年題

准買補鹽四萬引量停三萬引開邊官臺等十一場督行運司每票以六百斤爲率除正課外另票銀一錢其支運賣鹽等項悉聽巡鹽御史督令各衙門查考 河東鹽隆慶四年令河南南陽府所

屬鄧唐十二州縣改鑄銅版仍屬河東行鹽地方 又令山西太原府所屬陽曲等十州縣并汾州

及所屬三縣共十四州縣以後通食票鹽每票抽稅銀六分責令屯鹽道督理完解運司每年終巡

鹽御史題解戶部濟邊其關防稽考之法悉照鹽法則例舉行其原派陽曲等十四州縣引目准令

均攤河東運司行鹽地方 又奏准河東鹽運司開墾解州陸小等池照太汾事例印給小票發賣

其撈辦入官鹽課當校三年內實收之數酌爲定額接補東池額欠有餘一併補給大同并布政司

年例之數仍令運司各官遵照舊制運副駐劄安邑專管東場運同駐劄池南專管南場運判駐劄

解州專管西場各鹽該州掌印官協理女鹽等池北岸中場責令運使帶領分守河南道移駐解州
監理東西兩池事務將該道原領勅書添載監理解州鹽法字樣換給巡鹽御史亦照長蘆兩淮巡
鹽并陝西巡茶事例就便巡歷該管行鹽地方續以設立南場不便尋罷 又議准河東運司將延
安府地方改食池鹽邠永汧隴麟遊五處仍食解鹽 陝西鹽隆慶四年題准將西漳二縣課銀每
年二千餘兩改解蘭州收貯專備臨鞏兵備固原二道客兵支用 廣東鹽隆慶四年題准舊例凡
行鹽地方各立鹽場廣西則梧州廣東則肇慶南雄清遠商人投稅者每正鹽一引收銀五分餘鹽
每引收銀一錢後每正引一道准照餘鹽四引納軍餉銀四錢五分後又准照餘鹽六引納銀六錢
五分再有夾帶謂之自首每引抽銀二錢商價通融足支兵餉令該省巡撫查理疏通有勢豪阻撓
奸商作弊奏處治 按續文獻通考四年總理巡鹽撫臣龐尙鵬奏寧夏屯鹽事宜其一言該
鎮田多丁少以賠糧爲累宜於每歲冬月遣官清查有戶丁逃亡者卽與除豁其一言延寧多美田
新開者凡萬餘畝宜徵半租毋苦以役事及爲豪強所奪其所入租卽以助邊工充餉額其一言該
鎮鹽引俱係土人中納本重利微勘合常不得給往往爲奸商所截買宜如近例各商勘合凡足三

千引以上者悉行填給其應補勘合聽撫臣咨部給發但本鎮浙鹽多淮鹽少而淮鹽利浮於浙宜通融派補其中途截買者仍酌擬定價以祛抑勒之奸其一言理鹽委官責任不專事鮮成效宜令大小二池通判專理鹽法其倉場事務就令分管不得復預他事營私曠職者聽該道叅治之部覆如議先是屯鹽都御史龐尙鵬奏將山東積引改撥長蘆派支至是巡按直隸蘇士潤議其不便請將長蘆改撥鹽引仍還山東部覆從之五月戶部奏預開五年各邊常股存積鹽一百四十五萬六千八百六十八引有奇八月御史李學詩條陳兩淮鹽法便宜一議復大鹽舊例謂兩淮近改小鹽每引少收六十五斤而二歲中消引反少三十餘萬蓋電戶餘鹽鬻於私販私販盛則正課愈壅請仍舊每引五百五十斤爲率淮安納餘鹽銀七錢淮北五錢一釐二毫淮南歲掣八單每單八萬五千引淮北四單五萬五千引其內商分撥鴻商引目悉依原題三等價銀則例一議罷官賣餘鹽謂近議收買餘鹽以杜私販立法雖善其勢難行蓋割沒餘銀抵數解京卽欲收買價將安出其難一也錢入電丁未免妄用侵剋抵換寧保必無其難二也銷算報部另封另貯事體煩瑣交易不常其難三也遠載費時領價遲久抑勒虧減莫能控訴其難四也往時收買輸少償多無論遠近忻

然輻輳今常價外止增三分負載鹽費尙且不足其難五也請罷其令但嚴加訪驗若總催與吏爲市虛出通關及商引赴場違限者如法重治則雖不必收買私販自寡矣一議處淮揚食鹽謂近將官鹽停革卽以所買餘鹽給票市賣今餘鹽之議難行請令欲販二郡官鹽者赴司買引免納餘銀卽與超掣則一歲多銷邊引六萬六千二百通而於六十萬金之課未嘗少減其法甚便戶部覆奏官鹽仍令正餘兼納他皆如學詩言從之 九月順天等處撫臣劉應節奏薊州鹽法通行邊儲日裕永平實與接境請將各鎮存積餘引分派開中以抵年例戶部覆以來歲舉行報可 十一月巡鹽御史蘇士潤奏濟南東昌兗州三府本行官鹽今積滯四十餘萬引而前所奏四萬復令開中是愈蘊也夫行鹽地狹則銷引有限若徒慕增課虛名而不顧其後此何異下流洩而復決上流灌之安得不濫泛耶青登萊三府本行電鹽但鹽票出入不爲限期又偏行於電而不通於民遂令猾者射影强者爭奪無賴亡命之徒驚動州縣不惟侵損恆課而且以養蠹矣請所增四萬引仍舊存積卽以增引餘銀償之永罷開中買補之例給票鬻鹽無論軍民匠電每票少加稅銀無越府界其繳票責成有司以季終爲期則法可疏通而釐可永戢戶部覆議增引停罷四萬不便第量停三萬引

差可給足從之 戶部河東巡鹽御史鄧永春陝西巡按御史郭廷梧奏請令陝西延安府舊屬河東行鹽地改行池鹽使地近民便大池歲課二萬六千二百三十二引小池歲課三萬三千一百五引勿論原額新增俱作正課毋得紛更上是之

隆慶五年定山東鹽價增陝西課銀准部覆御史蘇士潤盧明章等條陳諸鹽法 按明會典山東鹽隆慶五年題准濟青鹽價頗高票定銀一錢五分登萊鹽價甚賤票定銀七分每季終該府解司濟邊 陝西鹽隆慶五年題准花馬池大小二池鹽每引照鹽八石四倍河東令各商報納每引增銀一錢二分共五錢二分其臥引銀一錢二分西路斗底銀一錢五分共增課銀七千有奇 按

續文獻通考五年正月戶部覆巡按御史蘇士潤奏一北直隸山東行鹽地方舊各計里撥引後因商人告指而鹽法遂壅今宜酌量戶口多寡及地里遠近隨填撥定其價直者聽各商告指及商人越制興販者罪之一各場殘鹽亡慮三十萬引有奇棄之可惜而驟開之反以病民今宜均搭派支之數每歲召商開邊各兼給殘鹽六萬餘引期以六年而盡派支之時每引量免五十斤以寬之一年先量增鹽額五萬引後又改派遼東引目愈繁阻塞愈甚今宜罷免勿令改中運司以滋壅滯一

山東青登萊三府俱小民領票通販但正課之外不論遠近槩令納銀一錢不無鑒此通彼之患宜量爲增減一正鹽私鹽相爲消長正鹽既行則宜苛爲私鹽之罰如歲課倍原額者一切勿問不及原額者第以所虧多寡以法繩之一各運司皆無鹽鈔諸稅獨長蘆有之且歲徵不過一百餘金不足以裨益縣官而於鹽戶稱困今宜盡罷勿徵仍禁官攢等苛擾以示寬恤詔如議行八月戶部覆巡鹽御史盧明章條陳鹽法六事一清理實籍毋令鹽產民產互相影射一禁戢私販以通官課一飭治分司申明春秋兩巡之法一嚴督行鹽地方驗單銷繳不得阻滯一蠲免長蘆利國等二十四場白鹽腳價一御馬監歲用啖馬涼鹽止許見買商鹽不得交通私販撓壞鹽法報可

隆慶六年議行兩浙場分票鹽裁革長蘆該所官吏責令事簡御史各省鹽法道各運司判官專管掣驗稽撥徵課又戶部覆准河東巡鹽僉一貫乞免土鹽抽稅遼東撫臣張學顏奏撥積滯鹽引

按明會典兩浙鹽隆慶六年奏准寧波府所轄五縣松江所轄二縣共一十四場俱無住賣商引又未議行票鹽令僉選牙單置立簿票每票一張照鹽三百斤納銀一錢二分長蘆鹽隆慶六年題准張家灣批驗所舊以商人運到引鹽每一十引抽鹽一斤放支做工官軍後前鹽議免止每十引

割收銀五釐解部該所見設官吏三員裁革 又按會典六年題准南京石灰山關每年差事簡御史一員專管擊驗一年定以四擊每仲月巡鹽御史委官稽船封引督批驗所催船登冊務限季月末旬赴關聽擊 又題准行各省鹽法道專管驗引稽撥事宜一切囤積夾帶私賣之弊嚴行禁治 又題准各運司判官責令駐劄汎地專徵鹽課一切解銀齎捧並不許差委 按續文獻通考

六年閏二月戶部覆河東巡鹽俞一貫奏大同渾源等州縣地瘠民貧所煎土鹽僅可給日食充地賦與太汾等處利源繁衍者不同乞免抽稅第禁其越境興販毋與他境爭利從之四月戶部覆遼東撫臣張學顏奏寧夏延綏二鎮鹽引積滯者多率置之無用之地宜撥寧夏一萬引延綏五千引加派遼東用充兵馬支費至薊鎮額派兩淮常股存積之引聞賈人皆不願報中宜擇宣大引內屬在長蘆者易之報可

神宗萬曆二年令福建添設運判移駐運副運同督理鹽務廣西募人改造中船赴廣東買鹽仍添設鹽官管理 按明會典福建鹽萬曆二年設運判一員駐劄黃崎分司將黃崎分司運副移駐水口運同移駐泉州專督理泉漳二府鹽務給票抽稅每鹽三千斤定稅一錢五分潯清涵惠四場除